



TOKKUMMAA KIRISTOOS KEESSATTI





“Yaa obbolootaa, ani akka isin gidduu gargar ba’uun hin jiraannee fi akka qalbii fi yaada tokko qabaattanii hundi keessan walii galtaniif maqaa Gooftaa keenya Yesuus Kiristoosiin isin kadhadha” (1 Qoron. 1:10)

Erga warra Qorontoosiin dubbisee sababa guddina hafuuraa isaaniitiif isaan galateeffatee booda, rakkinoota waldaa sana miidhuutti jiran keessaa isa jalqabaa kaasa: innis hir'ina tokkummaati.

Guutummaa ergaa warra Qorontoosiif barreesse keessatti, fi kan biroo Phaawuloos barreesse keessatti, qajeelfama akka itti rakkinoota kana furan irratti kennuu isaa argina, kunis har'a waldaa irraan dhiibbaa geessisuu kan danda'u dha.

Jalqabuma irraa kaasee waanti tokko ifaa dha: tokkummaan waldaa keessatti dhamaatii namaatiin dhufuu hin danda'u. Yesuus irratti xiyyeeffachuu qofaadhaan tokkummaan dhufuu danda'a.



⇒ Rakkinoota tokkummaa dhabiisa uuman:

➡ Qooddii fi qoccolloo

⇒ Akka itti tokkummaa bakkatti eegan:

➡ Tokkummaa Yesuus keessatti

➡ Ogummaa fi bilchina

➡ Tajaajilaa fi gadi of deebisuu

➡ Kabaja geggeessitootaaf






RAKKINOOTA TOKKUMMAA DHABIISA UUMAN

QOODDII FI QOCCOLLOO

“Yaa obbolootaa, ani akka isin gidduu gargar ba’uun hin jiraannee fi akka qalbii fi yaada tokko qabaattanii hundi keessan walii galtaniif maqaa Gooftaa keenya Yesuus Kiristoosiin isin kadhanna.”

(1 Qoront. 1:10)



Qooddiin waldaa Qorontoos keessa ture maali? (1 Qor. 1:12)?

Geggeessitoota adda addaatu Qorontoos keessa darbe, kanaaf amanaan hundinuu lallabaa filatu qaba (Phaawuloos, Apholoos, Pheexiroos...) Kun sadarkaa isaan gidduutti wal-dhabdee fiduu irra ga’e (1 Qor. 1:11).

Ergaa tokko akka isaan lallaban utuu hin hubatin, waantota hin barbaachifne irratti xiyyeeffatan (1 Qor. 3:5-8).



Suuta jireenyi waldaa miidhamaa adeeme (1 Qor. 3:3). Hir’inni tokkummaa ayyaaneffannaa Irbaata Gooftaa olii fi gadi godhe (1 Qor. 11:33), hamma mana murtiitti wal himatanitti gaa’an (1 Qor. 6:1).





AKKA ITTI TOKKUMMAA
BAKKATTI EEGAN

TOKKUMMAA YESUUS KEESSATTI

“Waaqni gara tokkummaa Ilma Isaa Gooftaa keenya Yesuus Kiristoositti isin waame sun amanamaa dha.” (1 Qoront. 1:9)


“Kiristoostu hiramee? Phaawuloostu isiniif fannifamee? Moo maqaa Phaawuloosiin cuuphamtan?” (1 Qoront. 1:13). Gaaffii kanaan Phaawuloos akka isaan of ilaalan barbaade.

Yesuusiin akka Gooftaatti qabaachuu qofaadhaan tokkummaan milkaa’uu danda’a. Yaada obboleessaa ykn obboleettiitti qabamuudhaan ykn garee cufaa uumuudhaan tokkummaa bira ga’uun hin danda’amu.

Garuu tokkummaan Yesuus keessatti tokko ta’uu miti. Hundumti keenya waa’ee waan hundumaa waan tokko hin yaannu, ykn hundi keenya karaa tokko waa hin goonu.

Garaa garummaan yaadaa xiqqoonshee, kennaaleen adda addaa namni hundinuu qabu, yeroo Kiristoos irratti handhuureffaman, qooda garaa garummaa uuman, tokkummaa uumu (1 Qor. 12:12-13, 25, 27).

Tokkummaan waldaa keessatti argamuu kan inni danda’u ofiif du’anii Yesuusiif yeroo jiraatani dha.



OGUMMAA FI BILCHINA

“Yaa obbolootaa, ani akka namoota foonii warra Kiristoositti daa'imman taataniitti malee akka namoota Hafuuraatti isinitti dubbachuu hin dandeenye.” (1 Qoront. 3:1)

Kiristiyaanota hin bishaanne Phaawuloos, “Kiristoositti xobbee”, “namoota foonii” (1 Qor. 3:1) jedhee waama. Kiristiyaanonni akkasii Yesuus caalaa nama irratti xiyyeeffatu.

Barbaadamummaan hin malleef, namoota biroo aarsaa gochuudhaan, geggeessitoota tokko tokkoof yeroo kennamu, garee waldaa qoqqoodu uumu. Kun bu'aa bilchina dhabiisaati. Kanaafuu, Kiristoos keessatti sadarkaa bilchinaa irra akka geenyuuf Phaawuloos waamicha nuuf godha (1 Qor. 2:6).

Kan hin bishaanne



Isaan akka
ijoolleeti
(1 Qor. 3:1)



Aannan dhugu
(1 Qor. 3:2)



Namoota fooniiti
(1 Qor. 3:3)




Yaada warra
kaaniitiin oofamu
(1 Qor. 3:4)

Bishina



Isaan ga'eessota
(1 Qor. 14:20)



Nyaata jajjabaa
nyaatu (Ibro. 5:14)



Namoota hafuuraati
(1 Qor. 2:13)



Kutannoo hafuuraa
qabu (1 Qor. 2:14)

TAJAAJILAA FI GAD OF DEEBISUU

"Kanaafuu namni akka tajaajiltoota Kiristoosii fi akka warra iccitiin Waaqaa imaanaa itti kennameetti nu ilaaluu qaba." (1 Qoront. 4:1)

Akkuma har'aa kana, namoonni siyaasaan, falaasamaan, amantiidhaan, akkasuma ilaalchota adda addaatiin qooddiin tureera. Yaadni akkasii kun waldaa keessa lo'ee akka hin seenneef akkamitti ittisuu dandeenya?



Ilaalchi geggeessitootaa shoora olaanaa taphata. Geggeessitoonni waldaa ga'ee akka eegduutti qaban sirriitti hubachuu qabu. Waldaan kan dhuunfaa isaanii miti; hojiin isaanii Kiristoosiif bulchuu dha.

Geggeessaan waldaa Kiristoosi dha, warri kaan akka "hojjetoota Kiristoositti" geggeessu (1 Qor. 4:1).

Hojjetaan bulchu tokko akka Gooftaa isaatii ta'uu qaba amalli isaa: innis, yeroo hundumaa gadi of deebisuudhaan warra kaan tajaajiluu dha. (Filip. 2:3-8).

Geggeessitoota qofa utuu hin taane, miseensi waldaa hundinuu utuu akkasitti hojjetee, tokkummaa akkamiitu waldaa keessa jiraata jettanii yaaddu?



KABAJA GEGGEESITOOTAAF

"Warra imaanaan itti kenname sanas amanamoo ta'uutu irraa eegama." (1 Qoront. 4:2)

Geggeessitoota bira dorgommii fi gareen adda addaa jiraachuu jechuun isaan tuffachuu qabna jechuu miti. Faallaa kanaatiin, Phaawuloos tajaajilaa fi hojii Apholoos Qorontoos keessatti hojjete ni deggere ni falmeeffis (1 Qor. 3:5-6; 4:6; 16:12). Geggeessitoonni yeroo amanamummaan hojjetan, kabajni isaaniif mala (1 Qor. 4:2; 1 Xim. 5:17). Garuu yooma kabajni isaaniif hin kennamne illee, amanamummaa dhaan dhaabachuu qabu, sababni isaa kan isaanitti faradu Waaqa malee nama akka hin taane waan beekaniif (1 Qor. 4:3-4).



Frank fi Walter Bond, biyya Ispeenitti misiyoonota jalqabaati. Walter amantii isaaf jecha bara 1914 tti magaalaa Jaen keessatti ajjeefame.

Geggeessitootni Kiristiyaana taa'an faana Yesuus hordofuudhaan, obboleotaa fi obboleettota isaaniitiif dhiphachuudhaaf of kennu, yoo barbaachise illee tajaajila isaaniitiif du'uuf of kennu (1 Qor. 4:11-13; 2 Qor. 11:23-28).

Geggeessitootas haa taa'an miseensota, namni walitti muggutuuf waamame hin jiru, garuu Yesuusiin jajachuu fi ergaa fannoo lallabuuf waamamne.



“Hafuura isa kan Kiristoosiin fakkaatu horachuu irraa kan hafe, waldaa keessatti tokkummaa mudaa hin qabne fiduu kan danda’u hin jiru. Seexanni garaa garummaa facaasuu danda’a; Yesuus qofaatu waldhabdee balleessee tokkummaa fiduu danda’a... Yeroo akka hojjetoota waldaatti, Waaqayyoon hundaa caalaatti, olloota keessan immoo akka ofii keessaniitti jaallattan, Kiristoos keessatti tokkummaan jiraata, namni ollaa isaa irratti haaloo kuusus hin jiraatu. Miseensonni waldaa akka maatii guddaa tokkootti jaalalaa fi tokkummaa horachuu qabu. Sana booda, Waaqayyo Ilma Isaa gara biyya lafaatti erguu Isaaf addunyaa keessatti dhuga baatuu taana.”